

興縣志卷之十五

營築

易曰天險不可升也地險山川陵也王公設險以守其國故郡邑之制高城深池所以衛民生防奸宄固封守也雖四嶽三塗在德非險然莒城惡而民潰郢城完而楚安寧僅恃衆志之成城哉他如建署廨以表治修倉廩以裕儲設關隘以禦侮築堤防以濬川皆守土者所有事也夫興不急之務殫土木之工是擾民也因陋就圯無以嚴保障而興民利則弛而不張君子

惜之輦苞桑固磐石以衛黎庶謹封疆曷可緩哉志營築

城垣

興舊爲興州明初改爲縣未有城池景泰元年枕山始築土城週圍二里三百二十步高二丈五尺後因河冲南關嘉靖十八年知縣張雲始用磚砌未完三十一年知縣王達詳明上憲兵備道葛令太原經張雲督工自乙卯夏起工迄丙辰冬完俱用磚砌忝築敵臺六座但東西城端至北山止其北山因土爲險有可通道處

則以墻截之隆慶戊辰夏知縣李珣申允修砌
將北山外出者削之內窳者築之砌以磚石列
雉堞爲官道列敵樓十二所角樓八座復增東
西南三面高四丈厚三丈於東南西三門築甕
城重建南城樓又於東西關重修前令馬圖所
建郭城戍樓以隆慶三年三月起工以五年六
月告成舉人張鵬王用賓貢生孫光祖生員康
光宇尹洸等督工至

本朝康熙四十九年北城崩壞數十丈五十年二月
知縣欒廷芳倡衆捐輸重修

城門四座

東曰名和門

初名東作門嘉靖三十八年王完重修隆慶五年知縣李瑚復修改

今名後於康熙四十九年知縣欒又重修焉內改曰興賢門

南曰文明門

嘉靖三十七年知縣王完重修上祀奎星故名之後圯移東城樓

西曰阜安門

初名西成門嘉靖三十七年知縣王完重修改今名

北曰利澤門

俗名永門嘉靖四十四年知縣馬呈書增修以上四城年久傾圯甚多雍正八年知縣程捐貲督工補修完固

郭門三座

東郭曰啟明門

南郭曰觀箕門

西郭曰長庚門

俱隆慶三年知縣李瑚建

廨舍

察院

在東門道北今圯基存

社學

縣治東

旌善亭

知縣馬呈書重建

申明亭

知縣李瑚重建

贊政廳

康熙十年知縣萬魏建

陰陽學

醫學

在察院東今圯知縣楊智勝卽其基建
節義祠雍正八年知縣程捐銀買

民房一處改
建學宮之旁

布政司行署 在縣署東今圯無基

按察司行署 在縣署東今圯卽察院舊址

鳴遠樓

在東關壽聖寺前上懸巨鐘晨昏擊之聲聞數十里

峨嵋山樓

在縣署後嘉靖三十七年知縣王完建

揖嵐樓

東城樓嘉靖三十八年知縣王完建隆慶六年知縣倪湯重修本朝康熙三

十五年南城樓毀移祀奎星其上雍正

控陝樓

西城樓嘉靖三十八年知縣王完建隆慶四年知縣李瑚重修本朝雍正八

年知縣程重修

南城樓

知縣閻忠信重修今圯基存

水門樓

卽北城門樓今圯基存

杏花館

在東郊外嘉靖三十七年知縣王完建

清暉亭

在縣東六十里界河口嘉靖三十七年知縣王完建本朝知縣陶延中重修

改匾曰寄寄館記載藝文
雍正七年知縣程重修

養濟院

在城隍廟北儒學西嘉靖三十年知縣王達建雍正四年知縣楊因舊屋圯毀捐置南城內瓦房八間令孤貧居焉

敵樓

在北城山上

教場

在東關外潞河隆慶五年知縣李瑚建演武廳三間將臺一座今爲河水衝蕩皆圯

草場

在城內北山上知縣王達創設

倉儲

預備倉

在縣署東正厰六間東西厰各五間嘉靖三十八年知縣王完建

增三座十九間雍正四年知縣楊智勝
於密陳管見事案內領銀建倉三座計
十一間共四十六間雍正
七年知縣程 又重整修

守禦兵防

舊設防河兵丁五名駐黑峪口又雍正二年奉
文新設汛兵十八名內

界河口三名

二十里舖三名

蔡家崖三名

西坪村三名

黑峪口五名

康寧莊舖三名

瓦堂村三名

共汎地七處汎兵二十三名

雍正七年四月鎮海將軍祖 奏明各營添設

外委把總興縣添設外委把總一員跟役三名

本年七月內巡察宋 奏明興縣僻處萬山之

中幅幘最廣民俗頗悍命案頗多鼠竊時發實

爲要緊地方城外止有外委把總一員並無防

守兵丁應添設千總一員撥鄰近營兵三十名

防守會議將外委把總帶兵二十名調防嵐縣

將嵐縣千總帶兵三十名調駐興縣

額設民壯五十名雍正七年三月奉撥 雁平

道十名存四十名

舊設舖房十處雍正三年知縣楊智勝奉文重修並建汎地七處營房七十間舖房八間計開

車家莊舖房二間

縣東十里

二十里舖營房十間

縣東二十里

奧家坪舖房二間

縣東二十五里

惡虎灘舖房二間

縣東四十里

界河口營房十間舖房二間

縣東六十里

康寧莊營房十間

縣南五十里

蔡家崖營房十間

縣西二十里

西坪村營房十間

縣西四十里

黑峪口營房十間

縣西五十里

瓦堂村營房十間

縣北六十里

雍正六年知縣程奉撫院文新修東路車家莊

奧家坪惡虎灘界河口四處北路白家崖武家

塔瓦堂村三處西路十里舖各舖房界牌墩臺

雍正七年西坪村蔡家崖二十里舖營房界牌

被水衝壞殺虎協移會知縣程修葺堅固

堤防

縣南瀕蔚汾水每夏秋水驟漲漂溺民居東西
南三關俱受其害嘉靖丙辰堤潰知縣王完申
請重修後復潰萬四十七年知縣毛柏申請
重修自南關火神廟起緣南濠至西城腳止砌
以巨石居民輦固緣堤廬舍環列南關永無水
患但東關一帶水自南山北衝多所崩啗教場
及民屋盡毀於

本朝康熙四十七年知縣樂廷芳詳爲城關久被水
患詳明及時修葺事興邑僻處萬山所藉蔚汾

一河以洩萬山之水其河從嵐發源至興達於
黃河延袤百餘里河身舊循南山之麓去城約
一里有餘城外東西南三關廂每關廂有上中
下街三道市肆鱗次居民稠密自康熙二十年
始受水患而西關之下街首被衝沒二十一與
二十三年衝沒東關二十六與三十四年又衝
沒南關三十九年 衝西關二十餘年六受水
害民房漂溺千有餘間而三關遂寥落矣細推
致患之由蓋綠河從東來至城東水磨灘村左
有石硬折而南流至南山之麓復轉而西南山

之旁出一支橫插河內訊之里老僉稱此山在數十年前僅一山嘴挂落水面不過丈餘故河流至此稍折仍依故道西行自康熙十來年間河流陡急而支山曲處適當水衝狂瀾專注沙土漂縮所以現在河身較前南徙十有餘丈而向日丈餘之支山亦遂長十餘丈橫峙當流夫以如矢之急湍而遇十有餘丈之橫山迎頭砥激怒勢自張是以河身轉而西北直抵關廂旋沖旋塌此來受害之始末也數十年來故道全淤橫流莫遏近且流漸蕩刷迫及城垣不爲

早計綢繆設遇霖霖泛漲不特民舍盡成澤國而雉堞亦將問諸水濱矣卑職目擊情形隱憂時切邇年以來

皇上加惠元元恩膏屢沛又蒙 憲臺念切民瘼多

方撫恤故克感召天和歲收屢稔流移盡復募

工修築此正其時卑職謀之紳衿里老莫不鼓

舞樂從然一勞期於永逸慎始庶克有終則修

築之方不可不深計而熟處也卑職爰就形勢

相度機宜應將砥流支山鑿平數丈使寬河面

以殺其逆轉之勢於北岸建石堤一道以抵其

北來之衝又將舊河身挑濬深廣使歸故道以通其宣洩之路至南關對面山下原有石隘梗塞水口今宜稍加剗削俾水勢順利而北岸亦築石堤一道仍寬留河面以暢其出口之途如此則河流不致橫溢城垣無坍塌之虞而居民亦享安堵之福矣

巡撫噶批據詳情願捐修河道用弭水患事屬可行仰布政司查明轉飭但不得借端派累里民擅動倉庫所有興工日期報查繳

康熙四十七年閏三月十七日興工起至本年

五月十七日完工止

一挑濬 年淤平舊河身從東至西長三百六十三丈三尺面濶十五丈底濶七丈四尺深八尺五寸

一築護城堤一道從東迤西長四百五十九丈面濶六丈底濶八丈內東首築口堤一段長一百二十五丈西首築石堤一段長一百三十丈堤外加築小石堤一段長四十丈

一開鑿河南岸東首頂流亂山石嘴二座尖角形東一座長八丈西一座長六丈